

"37.00 Uklanjanje otpadnih voda"
 "38.11 Sakupljanje neopasnog otpada"
 "38.12 Sakupljanje opasnog otpada"
 "38.21 Obrada i zbrinjavanje neopasnog otpada"
 "38.31 Rastavljanje olupina"
 "39.00 Djelatnosti sanacije okoliša te ostale usluge upravljanja otpadom"
 "41.20 Izgradnja stambenih i nestambenih zgrada"
 "42.11 Gradnja cesta i autocesta"
 "42.12 Gradnja željezničkih pruga i podzemnih željeznica"
 "42.13 Gradnja mostova i tunela"
 "42.21 Gradnja cjevovoda za tečnosti i plinove"
 "42.22 Gradnja vodova za električnu struju i telekomunikacije"
 "42.91 Izgradnja hidrograđevinskih objekata"
 "42.99 Gradnja ostalih građevina niskogradnje, d.n."
 "43.11 Uklanjanje građevina"
 "43.12 Pripremni radovi na gradilištu"
 "43.21 Elektroinstalacijski radovi"
 "43.22 Uvođenje instalacija vodovoda, kanalizacije i plina i instalacija za grijanje i klimatizaciju"
 "43.29 Ostali građevinski i instalacijski radovi"
 "43.31 Fasadni i štukturni radovi"
 "43.32 Ugradnja stolarije"
 "43.39 Ostali završni građevinski radovi"
 "43.91 Podizanje krovnih konstrukcija i pokrivanje krovova"
 "43.99 Ostale specijalizirane građevinske djelatnosti, d.n."
 "45.20 Održavanje i popravak motornih vozila"
 "49.39 Ostali kopneni prijevoz putnika, d.n."
 "49.41 Cestovni prijevoz robe"
 "49.42 Usluge preseljenja"
 "49.50 Cjevovodni transport"
 "52.21 Uslužne djelatnosti u vezi sa kopnenim prijevozom"
 "52.29 Ostale pomoćne djelatnosti u prevozu"
 "56.29 Ostale djelatnosti pripreme i usluživanja hrane"
 "68.32 Upravljanje nekretninama uz naplatu ili na osnovu ugovora"
 "69.20 Računovodstvene, knjigovodstvene i revizijske djelatnosti; porezno savjetovanje"
 "71.11 Arhitektonske djelatnosti"
 "71.12 Inženjerske djelatnosti i s njima povezano tehničko savjetovanje"
 "71.20 Tehničko ispitivanje i analiza"
 "73.11 Agencije za promociju (reklamu i propagandu)"
 "73.12 Oglašavanje putem medija"
 "77.32 Iznajmljivanje i davanje u zakup (lizing) mašina i opreme za građevinarstvo"
 "81.21 Osnovno čišćenje zgrada"
 "81.22 Ostale djelatnosti čišćenja zgrada i objekata"
 "81.29 Ostale djelatnosti čišćenja"
 "81.30 Uslužne djelatnosti uređenja i održavanja zelenih površina."
 "82.30 Organizacija sastanaka i poslovnih sajmova"

Član 3.

U članu 17. stav 1. ispred zadnje, dodaje se sljedeća alineja:

- "- odlučuje o cijenama usluga preduzeća na prijedlog Uprave preduzeća ili Nadzornog odbora, osim o cijenama za usluge za koje cijene po zakonu određuje Osnivač."

Član 4.

Član 17.a mijenja se i glasi:

"Član 17.a

"Preduzeće ima Skupštinu.

U ime osnivača Općinskog vijeća Trnovo, prava i obaveze osnivača vrši Skupština preduzeća koja se sastoji od predsjednika i dva člana.

Sastav Skupštine Preduzeća, procedura imenovanja i razrješenja utvrđuje se posebnom odlukom Općinskog vijeća.

Rad Skupštine Preduzeća reguliše se Poslovníkom o radu Skupštine Preduzeća, koji je Skupština Preduzeća dužna usvojiti u roku od 15 dana od dana imenovanja.

Imenovanje predsjednika i članova Skupštine Preduzeća vrši se na period od četiri godine, sa mogućnošću ponovnog imenovanja.

Predsjednik i članovi Skupštine Preduzeća imaju pravo na naknadu za svoj rad, koja se utvrđuje posebnom odlukom Općinskog načelnika".

Član 5.

U članu 20. stav 4. mijenja se treća alineja i glasi:

- "- stariji od 65 godina na dan imenovanja."

Član 6.

Ova odluka stupa na snagu danom objave na Oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-2547/24

20. juna 2024. godine

Trnovo

Predsjedavajuća
Općinskog vijeća Trnovo

Amina Dedić, s. r.

Odluka objavljena na oglasnoj ploči Općine Trnovo dana 20.06.2024. godine.

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 34/03 i 65/13), Općinsko vijeće Trnovo, na 26. sjednici, održanoj dana 12.06.2024. godine, donosi

ODLUKU**O PROCEDURI, USLOVIMA I STANDARDIMA IMENOVANJA ČLANOVA SKUPŠTINA JAVNIH PREDUZEĆA ČIJI JE OSNIVAČ OPĆINA TRNOVO**

Član 1.

Ovom Odlukom se u skladu sa Zakonom o ministarskim, vladinim i drugim imenovanjima Federacije Bosne i Hercegovine definiše procedura, uslovi i standardi za imenovanje članova Skupština javnih preduzeća čiji je osnivač Općina Trnovo (u daljnjem tekstu: Skupština preduzeća).

Član 2.

U skladu sa zakonom, vršioce dužnosti članova Skupštine preduzeća imenuje Općinsko vijeće Trnovo na prijedlog Općinskog načelnika na period koji ne može biti duži od 3 mjeseca.

Član 3.

(1) Svi kandidati za imenovanje za člana Skupštine preduzeća dužni su da ispunjavaju sljedeće zakonske uslove:

- da su stariji od 18 godina;
- da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije;
- da se na njih ne odnosi član IX.1. Ustava Bosne i Hercegovine.

- (2) Osim općih uslova propisanih zakonom, članovi Skupštine moraju ispunjavati i sljedeće uslove:
- da nisu izabrani dužnosnici ili imenovani dužnosnici u izvršnoj vlasti na svim nivoima vlasti u Bosni i Hercegovini;
 - visoka stručna sprema i najmanje 5 godina radnog staža nakon sticanja zvanja;
 - da nisu direktori javnih ustanova ili preduzeća.

Član 4.

- Općinski načelnik objavljuje javni oglas za imenovanje članova Skupštine preduzeća.
- Oglas se objavljuje u "Službenim novinama Federacije Bosne i Hercegovine" i najmanje jednom dnevnom listu velikog tiraža s ciljem da bude dostupan najširoj javnosti.
- Oglas za upražnjeno mjesto člana Skupštine preduzeća sadrži:
 - opis upražnjene pozicije člana Skupštine preduzeća;
 - opće i ostale uslove koje kandidati moraju ispunjavati;
 - preciziranje dokumenata kojima se dokazuje ispunjavanje uslova;
 - spisak potrebnih dokumenata, rok i mjesto za podnošenje prijava;
 - iznos nadoknade za obavljanje dužnosti;
 - dužina trajanja mandata.
- Krajnji rok za podnošenje prijava ne smije biti kraći od 14 dana od dana objave oglasa o upražnjenoj poziciji u traženim novinama.
- U oglasu o upražnjenoj poziciji mora se jasno naglasiti da oni podnosioci prijava sa kojima se ne stupi u kontakt u određenom roku, a nakon roka za podnošenje prijava, neće biti uzeti u razmatranje u daljnjem procesu imenovanja te da se neće dostavljati pisane odbijenice kandidatima koji ne ispunjavaju uslove.

Član 5.

- Općinski načelnik imenuje Komisiju za izbor članova Skupštine preduzeća iz reda državnih službenika i namještenika, a koja je zadužena za pregledanje prijava na javni oglas.
- Komisija za izbor se sastoji od 5 članova i prilikom imenovanja članova komisije, voditi će se računa o tome da članovi komisije za izbor, po mogućnosti, budu lica koja su pokazala da poznaju odredbe zakona o ministarskim, vladinim i drugim imenovanjima.

Član 6.

- Komisija za izbor pregledat će sve prijave koje stignu u propisanom roku.
- Komisija će sastaviti listu sa izborom najboljih kandidata koji ispunjavaju kriterije za imenovanje za člana Skupštine preduzeća.
- Komisija za izbor će prije intervjua zahtijevati da kandidati koji su ušli u uži izbor daju podatke o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatima.
- Sve odluke, uključujući i one koje sadrže odbijenice, moraju u potpunosti biti dokumentovane i moraju se čuvati u skladu sa važećim propisima.

Član 7.

- Komisija za izbor poziva sve kandidate koji su ušli u uži izbor na intervju.

- Intervju se mora obaviti na način kojim će se obezbijediti poštovanje principa iz člana 3. Zakona o ministarskim, vladinim i drugim imenovanjima Federacije Bosne i Hercegovine.
- Sve odluke koje potiču sa intervjua, uključujući i one sa odbijenicom, u potpunosti se dokumentuju.
- U toku intervjua, komisija za izbor osigurat će sljedeće:
 - da su svi kandidati u potpunosti upoznati sa standardom ličnog integriteta koji se traže za lica imenovana na javnu poziciju;
 - da su pitanja o sukobu interesa objašnjena i razmotrena detaljno sa svim kandidatima;
 - da su svi kandidati u potpunosti informisani o pravu javnosti putem mehanizama koji su detaljno navedeni u ovom zakonu, da može uložiti prigovor protiv imenovanja koje se razmatra.

Član 8.

- Nakon intervjua i na osnovu u potpunosti dokumentovanih odluka svakog člana komisije, komisija za izbor će putem pisane preporuke predložiti rang-listu sa najboljim kandidatima Općinskom načelniku na daljnje razmatranje. Pisana preporuka sadrži sve relevantne informacije koje izborna komisija ima o kandidatima i njene preporuke.
- Smatra se da je kandidat koji je prvi na rang-listi i kojeg je preporučila većina članova komisije za izbor, najuspješnije prošao otvorenu konkurenciju.
- Nakon razmatranja rang liste, Općinski načelnik će predložiti Općinskom vijeću Trnovo prijedlog Odluke imenovanje člana/članova Skupštine preduzeća.

Član 9.

Ukoliko Općinsko vijeće Trnovo ne usvoji godišnji Izvještaj o radu javnih preduzeća, Općinski načelnik može razriješiti člana ili članove Skupštine preduzeća i predložiti imenovanje vršioca dužnosti člana ili članova Skupštine do imenovanja novih članova Skupštine preduzeća u skladu sa zakonom i ovom Odlukom.

Član 10.

Ova odluka stupa na snagu danom objave na oglasnoj ploči Općine Trnovo a naknadno će se objaviti u "Službenim novinama Kantona Sarajevo".

Broj 01-02-2548/24

20. juna 2024. godine

Trnovo

Predsjedavajuća

Općinskog vijeća Trnovo

Amina Dedić, s. r.

Odluka objavljena na oglasnoj ploči Općine Trnovo dana 20. juna 2024. godine.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 6. stav (1) tačka 4), te člana 20. stav (2) Zakona o koncesijama ("Službene novine Kantona Sarajevo", br. 27/11, 15/13 i 1/22), člana 24. stav 1. tačka 26. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 26. sjednici, održanoj dana 12.06.2024. godine, donosi